

100



**VLADA
HERCEGOVAČKO – NERETVANSKOG
KANTONA**



Javno preduzeće _____
ELEKTROPRIVREDA BOSNE I HERCEGOVINE
_____ d.d. - Sarajevo

A N E K S 6

NA

UGOVOR O KONCESIJI

Mostar, mart 2019. godine

Na osnovu člana 37. Ugovora o koncesiji, broj: 07-04-19-37-11/11 od 11.03.2011. godine, zaključenog između Vlade Hercegovačko - neretvanskog kantona i JP Elektroprivreda Bosne i Hercegovine d.d. Sarajevo.

VLADA HERCEGOVAČKO - NERETVANSKOG KANTONA (u daljem tekstu: Koncesor), sa sjedištem u Mostaru, Stjepana Radića 3, identifikacijski broj Vlade: I.D. 4227310410003, koju zastupa Ministar privrede Hercegovačko - neretvanskog kantona Željko Laketić

i

Javno preduzeće ELEKTROPRIVREDA BOSNE I HERCEGOVINE d.d.-Sarajevo, sa sjedištem u Sarajevu, Vilsonovo šetalište 15, identifikacijski broj društva: I.D. 200225150005, koje zastupaju Generalni direktor društva Bajazit Jašarević i Izvršni direktor za kapitalne investicije Senad Salkić (u daljem tekstu: Koncesionar),

dana 12.03.2019. godine sklopili su

ANEKS 6

NA

UGOVOR O KONCESIJI

(broj: 07-04-19-37-11/11 od 11.03.2011.godine.
 broj: 01-07-6965/2011 od 11.03.2011.godine.)

Član 1.

Ovim Aneksom, Koncesor i Koncesionar su se usaglasili da izvrše izmjenu osnovnog teksta Ugovora o koncesiji broj: 07-04-19-37-11/11 od 11.03.2011.godine, broj: 01-07-6965/2011 od 11.03.2011.godine (u daljem tekstu: Ugovor), i to kako slijedi:

U članu 1. tačka 1.1. mijenja se i glasi:

„1.1. Ovim Ugovorom (u daljem tekstu: Ugovor), Koncesor daje, a Koncesionar preuzima pravo na obavljanje elektroprivredne djelatnosti proizvodnje, prijenosa i distribucije električne energije izgradnjom postrojenja za iskorištavanje pogonske snage vjetra sa 15 vjetroagregata minimalne pojedinačne snage 2 MW unutar područja visoravni Podvelež, na području Grada Mostara.“

U članu 1. u tački 1.2. alineja trinaesta briše se.

U članu 3. tačka 3.1. mijenja se i glasi:

„3.1. Implementacija Projekta se predviđa u dvije različite faze kako slijedi:

- a) Faza I Projekta – pribavljanje investiciono-tehničke i ostale dokumentacije, uključujući i potrebne dozvole i odobrenja od nadležnih organa, neophodna prije potpisivanja ugovora sa odabranim isporučiocima opreme i izvođačima radova na Projektu, priprema i objava tenderske dokumentacije, evaluacija dostavljenih ponuda i potpisivanje ugovora sa imenovanim isporučiocima opreme i izvođačima radova na Projektu.
- b) Faza II Projekta – građevinski i drugi radovi na izgradnji pristupnih puteva i montažnih platoa, te izgradnja i puštanje u pogon 15 (petnaest) vjetroagregata minimalne pojedinačne snage 2 MW, uključujući i pripadajuću transformatorsku stanicu, te kablovsku i komunikacionu mrežu unutar područja vjetroelektrane.“

U članu 3. tačka 3.2. mijenja se i glasi:

„3.2. Krajnji rok za završetak Faze I Projekta i Faze II Projekta je 31.12.2020. godine.“

U članu 3. tačka 3.3. mijenja se i glasi:

„3.3. Završetkom Faze I Projekta smatra se potpisivanje ugovora sa svim imenovanim isporučiocima opreme i izvođačima radova na Projektu.

Završetkom Faze II Projekta smatra se dobijanje upotrebnih dozvola, o čemu će Koncesionar Koncesora obavijestiti u roku od 15 (petnaest) dana od dana dobijanja predmetnih dozvola.“

Član 13. briše se.

U članu 14., u tački 14.5., riječi „Faza I“ zamjenjuju se riječima „Faza II“.

U članu 20., u tački 20.2. riječi „za korištenje zemljišta za tekuću godinu kao i naknadu“ brišu se.

Član 2.

Ugovorne strane su saglasne da se ovim Aneksom mijenja i Prilog 1. Ugovora – Termin plan realizacije projekta.

Izmijenjeni Termin plan realizacije projekta čini sastavni dio ovog Aneksa.

Član 3.

(1) Kao garancija da će u cijelosti izvršiti obaveze iz Termin plana realizacije projekta iz člana 2. ovog Aneksa, Koncesionar će, najkasnije do 20.03.2019. godine, dostaviti Koncesoru bezuslovnu bankovnu garanciju koja iznosi 1,5 % ukupne investicije projekta, sa rokom važnosti od 31.03.2019. godine do 31.03.2021. godine.

(2) Ukoliko Koncesionar u cijelosti ne izvrši obaveze iz Termin plana realizacije projekta iz člana 2. ovog Aneksa, Koncesor će raskinuti Ugovor i aktivirati bankovnu garanciju.

(3) U slučaju da Koncesionar garanciju iz stava (1) ovog člana ne dostavi u roku iz stava (1) ovog člana, Koncesor će aktivirati plativu bankarsku garanciju broj 15823 izdatu od SPARKASSE BANK DD BOSNA I HERCEGOVINA kojoj je rok važnosti do 31.03.2019. godine, a Ugovor će raskinuti.

Član 4.

Ostale odredbe Ugovora ostaju nepromijenjene.

Član 5.

Ovaj Aneks se sklapa u 8 (osam) istovjetnih primjeraka od kojih dva primjerka zadržava Koncesor, a jedan primjerak Koncesionar.

Po jedan primjerak Aneksa Ministarstvo privrede HNK dostaviti će: Ministarstvu finansija HNK, Federalnom ministarstvu energije, rudarstva i industrije, nadležnoj inspekciji, Gradu Mostaru i Općinskom sudu u Mostaru, u roku od 8 dana od dana njegovog zaključivanja.


Član 6.

Aneks stupa na snagu danom potpisivanja objiju ugovornih strana.


KONCESIONAR:

JP ELEKTROPRIVREDA
BOSNE I HERCEGOVINE
d.d. –SARAJEVO

Generalni direktor


Bajazit Jašarević

Izvršni direktor
za kapitalne investicije


dt. sci. Senad Salkić

KONCESOR:

VLADA HERCEGOVAČKO-NERETVANSKOG
KANTONA



Broj: 01-07-7542/2019

Dana 07-03-2019 2019. godine.

Broj: 07-02a)-19-387-1/118

Dana 11.03. 2019. godine.